



Set contra un



Idiom: Gherdëina

Meludia: Tobias Dellago , Peter Demetz , Gerald Moroder , Georg Mussner

Paroles: Tobias Dellago

Son pa gher, cëla ma ca, da pitl fovi n tel secon,
me la paiove for dai autri, sën ei la forza de n lion.
Sce me ancontes cun mi turba son ie chël che à l ram tla man,
tenion adum sciche i lëufs, respet se fejen mé draman.

Ma dedite te me bel sot sons avisa sciche n snech,
la crosa ie dura, ma dedite son pa mé n tel pitl schit,
eh dedite te me bel sot me sënti pitl sciche n crot
y da n crot ne se tëm deguni, scencajo iel n pue' da aricé.

No da n crot ne se tëm deguni y deguni ne uel avëi da nfé.

Ne me tème da deguni, ah tu lascia mé unì,
nëus son set contra un y sce vel' un à zeche da dì
po' se n giapel do la urëdles che l ti scibla l cervel,
sce te ues nes pruvoché messeres capì chël fej mel.

Ma dedite te me bel sot sons avisa sciche n snech,
la crosa ie dura, ma dedite son pa mé n tel pitl schit,
eh dedite te me bel sot me sënti pitl sciche n crot
y da n crot ne se tëm deguni, scencajo iel n pue' da aricé.

No da n crot ne se tëm deguni y mé la mosces sal da pië

y datrai ulëssi vester propi una de ch'la mosces,
che deguni ne po' me udëi, ma ie vëije y aude dut,

te julësse ntëurite, udësse canche te ies da sëul,
es monce tēma da na moscia, te ies tan dëibl y desnūt,

ajache dedite te té bel sot ies avisa sciche n snech,
la crosa ie dura, ma dedite ies tu propi mé n tel schit.
Eh dedite te té bel sot ies tu propi mé n tel n crot
y da n crot ne se tēm deguni, scencajo ies tu da aricé
no da n crot ne se tēm deguni y mé la mosces ses da pië,
no da n crot ne se tēm deguni, te ies suflà su sciche n palé,
no da n crot ne se tēm deguni y deguni ne uel avëi da nfé!